

容齋詩集

容齋詩集卷二十七

綿上茹綸常文靜

漫叟剩稿

老來

老來情緒強支拚  
綈几羶簾攬落杯  
收拾菊萸秋事了  
好將消息問寒梅

歲暮雜感

通負愁交集  
催人歲易闌  
杯傾新釀熟  
書傍短檠寒  
妬雪梅千點  
驚風竹數竿  
幾多蕭索意  
詩就寄誰看

除夕

悉索羞囊了宿逋  
咍他兒女學檮蒲  
老夫獨坐敲枯硯  
除却閒吟一事無

落花吟

春來花盡開  
春去花都謝  
底事惜花人  
猶對落花坐

五日

綵縷靈符到眼繁  
聊將書卷避塵喧  
衰緣衰病教求艾  
客爲幽憂勸樹萱  
天外烟雲隨起滅  
簷前燕雀任飛翻  
獨忻甘雨千村遍  
時久旱得雨  
蒲酒先傾老

瓦盆

五日遣興用蔡賡堂明府東書堂韻

近市門仍盡日關偶緣佳節一開顏判花有意嫌  
榴艷說法無心笑石頑雨後郊原青被畝望中草  
樹綠連山臨風愛咏書堂句儒雅輸君吏隱閒

約亭鳧山兩詞契讀書南村道院久不相見

率此奉寄

龍天祠畔喜藏修

賈公祠俗謂之龍天祠

琴薦詩筒事事幽

邨近每過沽酒市雨晴時上曝經樓無憑身世須  
深省隨分科名尚少酬爲問城南讀書客論文會

記老人不

霽雨連宵孤檠獨對悵然有懷率爾成咏寄

午橋司馬賡堂明府

黃葉微聞下井闌瀟瀟相對怯新寒停雲獨抱懷  
人思望遠偏增苦雨嘆桂蘂香飄秋漠漠蘭缸影  
暗夜漫漫弓蛇蕉鹿何須問且作閒棋一局看

見說衝泥驛路難經過五馬喜重看

司馬前攝象  
汾州茲以公

務過

舊遊並作三秋想今雨剛邀半晌歡雁唳蟲

聲多觸忤詩情酒興盡闌珊平生亦自矜微尚肯

爲猶肝累宰官

明府緣予薄有  
詩名最蒙青目

庚申初度

初度剛逢菊又新  
敢同騷客賦庚寅  
座中慙少齊年客  
膝下難逢跨竈人  
覆雨翻雲驚薄俗  
前塵舊夢感勞薪  
獨欣婚嫁行將了  
時將有遣女之役爛醉閒吟寄此身

瑞蓮二首爲鄴中關夢園作

盆池幾載記栽培  
喜見紅蕖紀瑞開  
夙具淨根原不染  
別饒仙骨詎須猜  
洛神乍許凌波出  
陶令難招入社來  
寄語碧筒杯漫試  
惜花先築避風臺  
天然佳麗艷朝霞  
幽賞秋來逸興賒  
帶露飄烟香

淡漠披風擎雨態天斜一篇愛讀連溪說十丈空  
聞玉井花比似佛圖澄鉢內等閒几卉莫相誇

偶檢簡齋先生手札展讀之下愴然有作

幾行尺牘墨猶濃回首龍門悵已空典雅詩嫌蠶  
尾薄精嚴文較望溪雄一朝作者方慚我千載傳  
人定屬公如此神交未謀面底堪重問北來鴻

如此

神交一朝作者皆  
先生手札中語也

### 短歌行

臂半不仁足不良畏寒堽戶如蠶僵讀書掩卷旋  
已忘聞守雌惟柱下史聞耽空有瞿曇氏又聞君

子居易俟吾生年已降七旬君苗之硯洵可焚但  
開口笑休眉顰

王孺人輓詞 并序

廣堂明府之哲配王孺人蕙心紈質淑德芳型  
具左妹之高才兼山妻之卓識以故范丹清操  
旣賴其廉能卓茂循聲亦資其佐理克嫻內則  
無忝禮宗其懿行殆難縷述也庚申冬杪以產  
難亡明府戚甚聞者傷之而况余輩尤稔知其  
賢者乎爰賦五言絕句四首奉輓且藉以唁慰  
明府焉



家世烏衣舊無慚咏絮才漫言奔月去應自蕊宮  
來

遺挂尚餘香那堪賦悼亡虛幃流朗月長簾竟空  
牀

難釋安仁痛爭傳德耀賢琴堂從此後多恐輟鳴  
絃

愁省春風面羅浮夢渺茫他年呼妙子倘可到稠  
桑

辛酉元旦試筆

春到人間已匝旬

時立春已十日矣

歲華纔紀履端辰屠

蕪酒可傾三雅卮，舊盤仍簇五辛釀。  
冷冰霜隨臙盡，向榮花柳逐時新。  
獨嫌老病耽高卧，不耐驚飈爆竹頻。

絳菴初開一樽相對有感漫成

九十韶華已漸空，一株灼灼尚能紅。  
依稀人面憑誰問，果否天台有路通。  
顧影畏寒愁宿雨，無言觸熱笑春風。  
劉郎詩句陶公記，都付瞢騰半醉中。

送春

畱春無計送春歸，深院蕭條靜掩扉。  
撲帳楊花還漠漠，營巢燕子任飛飛。  
曉寒偶醉盈樽酒，晝暖先

更不續衣却笑白頭多意緒幾回敲枕夢芳菲

鳧山以盆蘭見貽長歌奉謝兼與蘭約

君不見牡丹古來誇洛陽芍藥天下推維揚二花  
瑰麗非尋常頗嫌富貴矜濃妝惟蘭獨稱王者香  
天賜入夢還徵祥尼山空谷傳高韻左徒九畹滋  
幽芳都梁魚魴殊鮮覲邇來更數南閩強昔者新  
安大令雅好事謂蘭浦數窠掇贈羅紫囊迢迢倏  
經三十載早已萎敗隨風霜今者多君復惠我頓  
令草堂生輝光懽新未已旋感舊對之難免增傍  
徨林處士梅陶公菊請君於斯試平章不採而佩

庸何傷蘭兮蘭兮爾無日就悴苟不當門寧取忌  
花時爲我一相慰我能爲爾親灌溉

酷暑中值驟雨一掃煩倦殊覺快人卽事  
漫成五首

鬱蒸六月苦炎陽一雨那知竟小涼拋却手中蒲  
葉扇便堪高枕夢羲皇

早年瑣碌愧名場老大無聞只自傷底事棋枰詩  
卷外臨池尚爲別人忙

近願爲索  
書者所苦

竹色松聲盡到牕漫嫌日似小年長輸他消夏南  
園客三雅時時覓醉鄉

園主人每言  
避暑只須飲酒

記看荷花過野塘  
寬鞋短策幾相將  
而今却笑龍鍾甚  
只向南窓趁晚涼

清簾疎簾睡思長  
夢回月色已微茫  
呼童且莫籠燈爇  
螢火新來夜有光

廣堂明府五旬餘始得一子詩以贈之

君不見古人畏之之子名冬郎  
丹山雛鳳清聲揚  
玉溪詩老爭誇張  
又不見近時遲郎之父曰隨園  
高才艷福天下傳  
得子猶後君十年  
長至之日恰生申  
其時在丑歲辛酉  
三日欣開湯餅筵  
琴堂歡醉衆賓酒  
頃聞星家言  
謂兒貴且壽  
斯言倘非謬

會須應伊口惟我更願兒才擅八斗繩祖之武登

龍首

兒先世有十二年  
中兩狀元之句

他年若問談命題詩入一

爲盲翁

舊者醫姓事母  
能孝推命頗准

一漫叟

余六旬後  
號漫叟

題山右詩存

宰輔鴻才首午亭杜詩韓筆兩崢嶸過江大有雕

龍客至竟唐風是正聲

陳文貞公

敏果清端幾鉅公雄才更數雁門馮淵源家學真

堪羨累葉猶存正始風

馮納生觀察

海內爭傳義俠聲籠鶯時復寫黃庭此生自謂非

詞客獨向空山勵伏苓

傅青主先生

詩人多在布衣中市隱孤吟獲澤翁不是賞音陳

相國誰從爨下識焦桐

張巖田翁

仙才自昔傾朝右巖穴於今孰抗行底事藏園老

居士翻持異論笑漁洋

蔣心餘太史有論詩詩見本集

吳蓮洋徵

君

風騷體格本來寬李杜虛攀亦強顏善學西崑與

才調懿侯而外有深山

趙懿侯梁深山二先生

敦槃猶逮四山人文采風流最絕倫昔日少年今

白髮遺編一覩一傷神

綿上四山人

沙場畢命氣如虹野寺榆林記鬼雄

事見樂陽消夏錄中

高咏賀蘭山頂句一朝儒將合推公

任勇烈公

子役山西得一人隨園賞識早空羣如何接續并

汾路求友同時竟失君

折齋山大令

記曾握手廿年餘聞倚清狂賦子虛知己不須楊

狗監識君尚有沈尚書

調歸愚宗伯

苗季黃廣文

吹簫吳市死堪矜晦迹當年事孰徵難得麟才賢

令尹肯將詩丐裴翁恒

馬翁恒茂才

河汾諸老渺難攀野史亭荒想像間却喜白家長

慶集傳燈猶有范春山

范春山明經

一斑窺豹已驚人正附何須着眼分

詩在附集以徵逐稍後不



龍多登 愛古薄今原未可幾番心折到胥君胥燕亭大令

新詩早歲愛金門身是 皇朝一品孫金門為文與公會孫

好古更聞有泉譜期期何日共君論君口吃耐談鋒甚健好古

刀布作 陳金門茂才

披沙每覺揀金難一集構園獨耐看漫說好人都

在野構園何妨屈宋作衙官 延茲園主簿

雲夢時將八九吞風流尚有二張存携來詩卷裏

藥下老眼宵深未覺昏 張尚三禮垣二茂才

幾年艷說浣青詩此日欣看幼婦辭濃福清才真

不忝清才濃福兩無妨隨果然巾幘勝鬢眉錢浣青夫

人

春日卽事

老去偏多感愁懷強自持只將書度日且喜而知  
時接葉鶯求友啣泥燕哺兒眼前生意足獨愧鬢  
邊絲

次韻酌賡堂明府見懷之作時攝平定篆  
漫說衝繁滯劇州循良直與古爲儔綿田桃李經  
春茂石艾雲山向晚適笑我蓬門從寂寞羨君燕  
寢亦風流未知菡萏花開後尚許新詩惠寄不

用韻酌賡堂明府州署遣懷之作

最羨城頭有冠山清詩一讀一開顏我甘衰老風  
塵下君信優游仕隱間花落印牀人吏散草生園  
土訟庭間天門陡絕重關險尚記當年數往還時兼  
以過南天門詩見寄

用韻和賡堂明府上艾署中有懷南村園  
詩

山城驛路足鳴笳回首穠華夢屢賒莫惜瓜期猶  
未及秋來佳色有黃花

賡堂明府以檢篋衍見僕輓王孺人作有

感詩見寄奉答

兩番作荅不嫌遲老病多應知已知事去略如春  
夢渺重來猶與菊花期慚添馬齒承新貺時以祝儀見寄  
難覓鸞膠感舊詩自是種情惟我輩勸君且莫過  
時悲

賡堂明府屢以詩見示率題一首奉寄

疊嶂層巒擁一州能詩刺史正多愁關門日暮吹  
蘆管不是愁人亦淚流

苦雨

密雨濃雲黯不開幾家門巷長蒿萊淋漓漸見虛  
堂漏勾泮遙聞老屋頽爨下積薪愁易盡禾頭生

耳恐爲災秋花可惜都零落且待新晴看碧苔

廣堂明府招飲南村園看菊有詩見示次

韻奉荅

此生良會本來難選勝追歡興已闌我老只堪稱  
漫叟君才豈合號粗官携樽對菊塵氛遠侵曉登  
高眼界寬底事少陵多感慨茱萸醉把幾回看

原韻附

人世常開笑口難那看秋色又將闌隻罄斗酒

尋幽客單騎孤村避達官

時有顯  
者過境

紅葉溪邊鄉

夢杳黃花籬畔旅懷寬久荒三徑歸無計愧向

名園倚醉看

麝堂明府招飲南村園踐看菊之約也漫

賦二首

寒山遶樹渺烟霞載酒南村日未斜誰似高懷仙  
令尹不將宿諾負黃花

秋深畱得傲霜枝又把東籬酒一卮漫笑老來多  
健忘二年前記舊題詩

庚申秋曾陪明府  
於園中看菊賦詩

冬夜不寐

寒燄無焰漏聲沉獨畫爐灰到夜深每愧臨文難  
快意轉嫌垂老尚耽吟種來墓木行將拱過去年

華渺莫尋底事晨鐘容易動扶頭卯酒且頻斟

不寐之作意有未盡再賦一首

幾度嘔心損夜眠殘編秃管亦翛然久知面壁方成佛莫信吹簫便得仙老馬長途還自笑他山頑石幾人憐禦寒賴有狐裘在一擲光陰已卅年

壽廣堂明府

書生面目宰官身恰值梅開介壽晨三載龍門多

膏雨

公前宰河津

萬家汾曲遍陽春臨民每欲鞭笞省

造士還勞課率頻見說躋堂諸父老都將椿壽祝

仁人

漢家循吏重朝端豈有君登薦剡難寅好頻過詢  
治譜詩盟爭擬奉敦盤河陽花趁閒時種單父琴  
依古調彈却笑稱觴歌管沸豪情竟許洗儒酸時  
堂奉祝  
甚衆

題廣堂明府汾上新柳詩後

綠陽春半欲垂絲仙令多情載咏時此日料應汾  
水上行人爭唱柳枝詞

癸亥清明卽事書懷

風光不稱白頭身寒食時將藥裹親連社久辭香  
火伴蘭亭遠記永和春酒因看劍常逾量囊爲收



書轉諱貧寄語爭妍桃與李笑評休聽杜陵人  
夢雨傷春又一年五陵車馬任喧闐樹無萱草憂  
寧忘贈有青棠忿或蠲戶外尚來投刺客牀頭休  
問賣文錢搶榆早謝搏風想不向長空羨紙鳶  
清明時節雨初晴杏酪分香俗漸更灼灼天桃含  
露重絲絲弱柳裊風輕營巢漫羨雙飛燕出谷終  
嫌百轉鶯春困著人慵未起曉窻尚有賣花聲  
側側輕寒晝漏遲當風簾幙正低垂坐來未必棋  
堪隱飲罷方知酒易慙但對癡人還說夢縱逢名  
士莫論詩斷腸最是桓伊笛誰倚高樓晚吹

憶昔芳郊弔古時高風千載繫人思  
烟寒介子祠前樹雨蝕林宗墓上碑  
畫壁每過沾酒市擘牋競賦送春詩  
而今老去衰頹甚只抱殘編下董帷  
九十韶光七十身底堪回首感勞薪  
梨花院宇支筇久春草池塘入夢頻  
掩耳怕聞門外事灰心嬾問眼中人  
凭欄莫更增惆悵好向蒲團悟夙因

上塚

幾處芳原好墓田提壺挈榼正紛然  
塵昏夕照迷翁仲血染山花泣杜鵑  
碑碣漫填名姓沒松楸難保子孫賢  
試看當日麒麟塚更有何人焚紙錢

上巳欲遊狐歧不果感而有作

山祀堯舜禹三聖

此日憑誰禊事修  
籃輿也擬踏青遊  
晴嵐烟樹新僧舍  
廢址春蕪舊酒樓  
千古聖賢皆寂寞  
百年身世儘沉浮  
幾回夢到狐歧路  
羞對清流照白頭

重九前一日漫吟二首

搖落登高候蕭條  
雁過時籃輿閒不御  
倚杖坐東籬

爛熳憐黃菊  
衰遲感白頭  
料應三徑外  
相過少羊求

重陽後六日鳬山招飲看菊晚歸奉寄

移向東籬別有情多君賞識恰新晴不嫌人老花  
同瘦只覺秋深感易生高咏莫辭元亮酒曠懷好  
寄謝公杯漫啜落帽饒狂興插滿頭歸趁月明

秋杪書懷寄約亭鳬山

蓼花楓葉奈伊何轉瞬年光似逝波未必悲秋無

宋玉曷嘗善飯有廉頗

戚友中每有以老能健飯謬譽者

孤吟早

覺詩情減倚杖終嫌老態多寄語雲亭舊時侶一  
杯坐隱好頻過

棧兒將往湖南作此寄感

枕上愁吟送子詩蕭蕭簾幙雪飛時平生未踏湖

南路只恐關河阻夢思

偶吟有寄

獨對孤檠覆舊棋  
憑誰寂寞慰衰遲  
料應坐隱都無意  
別向迷津覓導師

題潘稼堂先生遂初堂集二首

高才千古美安仁  
繼起推公更軼倫  
忤俗情懷惟倭佛  
紀遊詩筆盡驚人  
苦心一節師門重  
又手三公士氣伸  
北李南潘知不忝

檢計

簪裾未改布衣身

先生爲四布衣之一

自謂皇朝機鳳臣  
歸田何意竟沉淪  
少陵野老

吟詩瘦栗里先生種秫貧五嶽竟能酌夙願三乘  
端可悟前因沈韋巨手持衡異謂歸愚宗伯後世  
誰爲論定人

邇來時髦多耽歌曲檀拍鵬絃予固羨之  
而抑有感焉爰賦四首不必寄視諸子  
也

梨園往事問霓裳北曲年來笑弋陽僥倖詞人王  
寶甫西廂傳唱遍村坊

漫言傀儡並登場竿木隨身亦自忙却怪英雄李  
亞子也同優孟舞郎當

四聲猿暨綰春園又有南朝燕子箋讓與還魂稱  
獨步高名一代屬臨川

弄花扇本喜傳看聲律吳飲苦未嫻多事裨畦新  
樂府悞他年少趙飴山

閱北夢瑣言有感漫賦

論交口惠已都無東閣何須問令狐底事多情劉  
僕射猶然寫贈荔枝圖

自古詩人遇盡窮漫教咄咄枉書空長江簿與方  
城尉爭及人間足穀翁

燒尾寧須辨鼠魚韋公何事苦揶揄從知當日登

科記也似禪門祖系圖

事到縑兒已盡非長安回首淚沾衣可憐最是紇  
干雀東殺無緣生處飛

無字碑猶堪宰執免團冊豈忝時倫李琪棄置任  
團死至竟何人殺孔循

清流白馬禍難堪遺臭千秋亦自慚料得五經泉  
下客生兒不願有朱三

有感

淡泊衆皆棄華膺衆皆趨誰能文字飲毋乃非吾  
徒珍錯羅盤餐笙歌擁麈尾纏頭侈千萬賤賁吝



名  
鑑  
錄  
卷  
之  
二  
一  
二  
錙銖車馬闐僮僕服飾驚里閭更有貢諛客不無  
逐臭夫人言不遑恤予智方自譽但知恣傲慢安  
能辨賢愚倘使登仕籍覆餗亦可虞借問高賁人  
能似卜式無

豪傑裕經濟風雅敦詩書君子慎威儀莊士恥羣  
居寸陰且須惜微逐寧爲娛苟非伯倫儔藉糟將  
毋愚苟非寄奴輩喝盧徒自汙吝嗇固可鄙揮霍  
非良圖過改乃爲貴友數斯恐疏無令摩霄鴻遂  
同伏轅駒有錢始作人

樂府句

不節嗟何如自慚非

直諒此翁稱

樂天人謂  
爲聶聶翁

迎春

將應飛灰節

飛灰將應節唐人迎春句也

聊爲媚竈人

嘉平廿三日迎

春東郊介俗於是夕奈竈

衰齡開八袞淑景紀初春向暖繡梅

馥凌寒絲仗新美他少年輩爭踏六街塵

除夕

懽笑從兒女椒盤且侈陳同傾餞歲酒獨感過時  
人適負粗能了詩書老尚親坐來正無寐爆竹莫  
嫌頻

甲子元旦二首

履端又看等閒過老去心情可奈何幾點寒梅纔

半吐數杯臘釀已微醺錢荒終覺椒盤減

司馬溫公議社

法云江淮之南民間乏錢謂之錢荒

米貴翻嫌食指多寄語西鄰裘

馬客青春好唱百年歌

謂張氏昆仲

杜門也自笑方頭束筍愁看賀刺投每直送窮思

往事漫須載酒問從遊功名偃蹇身空老泉石棲

遲志莫酬最愧鳴珂多故舊獨將高誼頌賢侯

廣堂

明府饋歲之札情誼周摯予甚感愧

### 送春

七十過頭老行當春盡時禽聲換鵲鳩花事到酴

醾期爾歸須早憐余送轉遲韶光重回首且覆掌

中卮

咏懷用子景呂韻

少年有高懷老毫無違志嗟哉不秀苗漫云伏櫪  
騷平生文字緣差足移俗嗜阿諛衆所悅直諒世  
所棄歐蕲曠世才未能免訾議顧予何人斯二公  
寧敢嗣依違通介間仕隱兩不遂頌揚浪豪賢抑  
揄任鬼魅

寄慨有序

吾邑素資鄰境而今歲反來告糴時螽蟴爲災  
不惟病麥且并傷禾斗米千錢凶年有象縱使

秋成可望而介民亦難免於重困矣食指繁衆  
憂思徒殷率爾賦此以寄予慨

生齒日以繁豈能使恒足陝豫時轉移河東仰豐  
熟何期甲子夏終風變寒燠螟螣滋爲災村村走  
巫祝禾稚早夭傷麥乾漸拳踖再播敢辭勞催科  
更苦速本資鄰疆助今來反糴糴市價倏騰踊萬  
錢易一斛百物皆稱是儉歲行可卜况多流寓氓  
盜賊恐潛伏無術能點金無方可辟穀餐霞難療  
飢飲河不滿腹富者不免愁而何論甿獨誰繪監  
門圖藉之登奏牘墜予抱杞憂家累徒仰屋體緣

無肉羸顏因乞食，惡厨中乏短供。且歎薄薄粥，聊誑語諸孫待看天雨粟。

咏齋中紅藥

恨堦宇

名花京邸記豐臺，此日欣看簇薛堦。入夏差先榴火艷，殿春猶及鳳姑嬌。漫將侍從輕相謔，每爲征人重永懷。折向軍持勞位置，一簾香護讀書齋。

麥秋已至紅藥初榮，偶憶南園有感舊遊。

寄曉園

老病龍鍾合杜門，哦詩猶夢過南園。莓苔似繡侵幽徑，薜荔成帷護短垣。風景當年聊自省，情懷儉

歲向誰論

時斗米千錢  
麥價更昂

幾枝亦有閒紅藥且倚狂

香近酒樽

年年折贈向簾東

曉圓每歲  
折贈紅藥

底讓豐臺一捻紅白

髮故人惟我在名山雅志與君同數晨夕最南村

好對酒樽憑北海空記否愛餘書屋老

西郊齋名  
愛餘書屋

每期隔日寄詩簡

友聲詩社西郊與予  
同人詩約不得過遲

立秋前一日夜坐書懷二首

焚却君苗硯還憐太瘦生老應才易盡秋恰雨初

晴簾幕當風捲星河入夜橫蛙聲方聒耳又聽戍

樓更

尚未及秋成涼風序已更半鉤新月色幾處亂蟬  
聲襍穢從誰問龍鍾只自驚坐來頻感舊無語獨  
含情

立秋日作

老更驚秋至阿誰共酒杯涼風銷溽暑露雨長蒼  
苔一葉梧桐隕千門砧杵催蟬聲定何處倚杖獨  
徘徊

七十自壽

白髮於今看又新七旬婚嫁尚羈身  
時爲孫娶婦 青筵  
且幸忝朝列鄉飲還慚首末賓半格詩宗長慶



東桃花源記武陵人神仙九障名居一樹俗何煩  
浣俗塵

黃梁一枕夢差長世味年來已飽嘗金谷繁華隨  
逝水梁園風雅付斜陽眼昏只爲耽書癖足蹇翻  
嫌看竹忙從此解嘲休更作底堪攔入少年場

憂貧憂道兩蹉跎人事天時奈若何地下類添新

鬼小

時疫爲災小兒殤者尤衆

眼前漸失故人多離荒栗里先

生菊池少山陰道士鷺爲語兒孫須素位好勤孝

悌力田科

枉尺誰云富可求半生不解爲身謀詞章敢詡名

流重樗櫟那期匠伯收

賡堂大令寄詩以簡齋太史尺牘獎許及山右詩存

選登拙作過譽

每以卑飛慚斥鷃或因輕信狎浮鷗騷壇

兩度成陳迹愁過黃鑪感昔遊

謂樂與友聲兩詩社

幾下難忘舊賞音廿年樽座費招尋最慚白髮雕

蟲技竟墜青雲附驥心入夢空悲成往跡抗懷只

擬付孤吟四山人後誰嗣響剩有清風滿竹林

杖鄉杖國幾何時此日還吟自壽詩

余六十時官有自壽詩

海風波曾未涉人倫月旦敢輕持向平遊屐虛前

約杜牧尋春惜後期見說七旬非易到稱觴有客

醉休辭

蔡呂橋明府以菊影詩屬和率賦二首

疎影難畱夕照紅移來猶憶向籬東驟驚倩女離  
魂瘦倏現曇花色界空四壁清陰風颯瑟一簾妙  
繪月玲瓏徐黃好手今誰是粉本休疑楮墨中  
幾許黃花印素帷丰神恰與晚秋宜銜杯老眼昏  
沉夜剪燭閒牕靜對時每爲臨風呈蕩漾底須臨  
水淡鬚眉笑他畫餅徒虛幻莫便餐英信楚辭

余早歲有菊癖每歲常有數十百本排列  
幽齋頗稱雅觀今歲重陽後匝旬始得  
十餘本開都爛熳雖徐娘老去丰韻猶

存而遲暮相逢不無盛衰之感矣爰賦  
短章以代長嘆

早有黃花癖東籬晚就荒夙緣應未了又得佐黃  
觴

搖落秋將盡猶留晚節香阿誰堪共醉三徑問求  
羊

况味已蕭疎詩篇聊漫興吾且欲忘言花何會解  
語

揔羞花滿頭采喜香盈袖淵明千載人閒情詎可  
訴

寄曉園

樽酒那堪憶舊遊  
新來又值菊花秋  
十年換盡園林客  
道廣知君似太邱

聞妹倩郭巨臣繼嗣獲二品蔭襲感賦

若敖餒矣嘆衰門  
徹骨貧惟四壁存  
賴有九重念勲舊  
尚推恩蔭及兒孫  
君長子廿數歲歿理宜立孫其兄不爲立嗣以其子爲君後近聞新得恩蔭而緣貧迄不能自振

立冬後八日大雪漫賦二首

得慵字

風雪連朝橫羊裘不厭重  
空階飛絮積遶樹凍雲封  
漲漫東流水冥濛北向峰  
笑他驢背客恰讓老

夫傭

庾嶺梅初放梁園賦亦傭寒催邨店酒聲亂寺棋  
鐘高卧從高士占年問老農只愁泥正滑二仲少  
過從

雪夜

詞賦梁園幾輩工尋梅咏絮復誰同携將獨釣寒  
江句吟向昏燈急雪中

賈湘帆中副車不受賀而遠道過訪

吟來詩句已俱陳

邇來得詩頗多

殘菊寒梅遞主賓不謂

擁門冰雪重

時大雪初霽

君還過訪白頭人

大霧行

甲子之冬歲將暮龍公剪水柳飛絮積素盈堦二  
尺強欲晴未晴忽大霧大霧瀰漫宇宙昏蒙冒霜  
霏霾庭樹舉目無從見遠山長征何自問前路豹  
隱蛇游倘非虛爲災爲祥應有據我聞上古有蚩  
尤妖氛三日一軍懼又聞漢世有公超術高五里  
能騰布卽今小醜尚逋誅或恐烽烟妨屯戍時艱  
空抱杞人憂米貴還爲食指慮黨尉豪華東郭貧  
人生會須安所遇且從市上沽茅柴一杯聊爾敵  
寒盃醉酣姑妄作大言挾書捫虱誰肯顧方頭自

知媚俗難蛾眉豈必入宮妬思將廣廈庇窮儒欲  
決西江活渴鮒老來才盡陰江淹雪車冰柱猶擬  
賦待看陽氣燭重陰巡檐曳杖時小步

客去

邇來卽事亦多忻香茗初烹酒半醺却笑衝泥殘  
客去小窻無語對斜曛

聞兒棧將歸未得確耗悵然賦此

羈旅無長策曰歸信未真關山夢迢遞雨雪路艱  
辛我法應須用人炊詎可因家居計亦可所望在  
安貧



弓清衛病必終場歸家卽歿賦詩傷之  
少鶴空嗟命不猶棘闈扶病爲君愁如何行卽黃  
泉路尚把科名抵死求

題工部李潮八分小篆歌後

杜陵評書貴瘦硬千秋具眼誰能管坡公底事持  
異議其意未免偏豐肥

杜陵評書貴瘦硬此論燕  
非公吾不憑坡公句也

瘦環肥各妍妙此論亦還可厚非然而流弊恐胥  
溺墨猪且將爲後訛我謂書中有三昧奇情獨擅  
非肥癡橫空風雨倏變幻古趣別饒非支離有如  
絕塵之騁驥有如擊水之龍鱗有如鸞翔與鶴時

有如周鼎與商彝古法今已亡李斯俗書人尚嗤  
羲之嗚呼鍾顏亦吾師嗚呼鍾顏亦吾師君不見  
宣示之帖磨甍碑

有感

株守蓬門謝往還梅花索笑且開顏年來莫怪鱗  
鴻杳誰置陳人齒頰間

寄張尊五時新居落成

含桃花謝碧桃開大廈新成燕雀來試問餘寒風  
料峭阿誰相共最深杯

乙丑清明後四日曉園招飲南村園未赴

却寄

平生悻直性忤俗每自知况當七旬餘趨競豈所  
宜杜門非高尚聊用違嫌嗤雖稍通文史安能先  
進期世人重黃金羶附無足訾所嗟在驕客故舊  
多棄遺君猶敦古誼招客羅清卮紛紛桃李花彼  
穠逞芳姿茂林與修竹何如往契時老難溯洄從  
賦寄嬉春詩

賦得雨中春樹萬人家

得中字

鳳城樹色隱朦朧坐對霏微宿霧中晝暖雲昏春  
漠漠曉寒人靜雨濛濛萬家門巷依新綠九陌輪

蹄謝軟紅明日上林晴更好向榮衆木盡龍慈

壽董太孺人兼呈蔡呂橋魯泉兩山長

南風敞萱帷燠篴引高唱長公休官早能致清白  
養次公未服官志業正無量并汾講席尊兩公稱  
哲匠每念阿母年期願時企望卽今開九表精神  
老逾壯何誰頌禱工麗詞煥屏障紛還門下士稱  
觴並酣暢我亦隨衆來筐篚乏相貺所慚七句餘  
龍鍾盛衰狀

夏日卽事

清簾疎簾酒一杯文楸方罫已慵開先生自謂羲

皇上底用南柯入夢來

乙丑閏六月立秋亢陽不雨酷暑中人既  
疫癘之堪虞更凶年之可懼觸目感懷  
慨然有作

那堪鳥折問西疇  
燦石流金盛鬱攸  
樹惜黃楊偏厄閏  
人嗟白髮倍驚秋  
履霜漫語將歸燕  
拯溺難盟逐浪鷗  
坐看窮黎皆菜色  
可能貸粟監河侯

乙丑秋廣堂明府以病告歸賦四詩畱別  
因亦如數報之未罄積懷徒增別緒既  
傷南浦之魂更愧陽關之唱老而才盡

斯可嘆已

離亭杯酒幾攀留白髮那堪送遠愁六載君應嗟  
薄宦二天我自感賢侯沈郎擁絮偏驚瘦張翰思  
歸正及秋漫說買田定陽羨最佳山水是杭州

時將

卜居  
武林

餘杭形勝數西湖鮮組何心問苑枯種柳暫同陶  
靖節生魚久似范萊蕪霅溪古蹟吟應遍汾曲甘  
棠記取無他日重來看行部好將書札報潛夫  
感恩漫說爲豬肝一節相期耐歲寒豈必彈冠無  
賈禹敢云高卧有袁安衡蘆雲外飛鴻杳說夢隍

中覆鹿看擬獨歸田勤著述休拋兔穎換漁竿  
早向風塵嘆鬢絲此行琴鶴且相隨官從去後方  
知好路爲臨歧更覺悲聽雨孤篷朝縱酒感秋村  
店夜題詩獨憐窮老縣山友驛使梅花尚繫思

秋日卽景

映日鷄冠別樣紅貪看秋色過牆東却愁新霽莓  
苔滑重悞扶筇病足翁

月前余病足尚未痊

對菊有感

邇來三好已捐除獨向東籬懷索居晚歲情懷多  
慘澹深秋氣象總蕭疎卧遊早却登山屐病足難

乘下澤車翻笑黃花空爛熳無喧那得似陶廬余  
近市故云

古詩一章代策酌延荔浦張雋三兼寄陳

金門張禮垣延有六硯堂集張有艷雪

堂詩鈔四君皆陽城人

邁洋謫仙才午亭浣花擅流衍百餘載宗風起鄉

縣亦如唐四傑騷壇壓羣彥我昔閱詩存

謂山右詩存

題句聊遐羨詎意得延君命子寄華翰張君更偕

過神交快識面寒暄未獲罄長袖出詩卷六硯堂

清雋艷雪詩雅健王屋山龍從瀟澤水浩漣其時



正杪秋歲序感遷變香馥東籬菊淒唳南飛雁三  
復停雲詩千秋托深眷金門與禮垣所嗟猶未見  
微聞欲廢吟曠懷發洪願金門究心盤學  
三篇肆天文游藝無  
不可惟祈一以貫詞章雖小技義本古經傳功惜  
一簣虧耄期豈宜倦縱學究天人毋焚君苗硯

荔浦寄詩相贈次韻荅之

遠道勞魚素文章信有神且欣貽肯老得友振奇  
人鳳可稱仇覽仙應頌子真荔浦前以主簿分發江南壯心知  
未已魂夢幾能親近加揭邑令  
又將出山矣

贈張侍三

吾愛張公子詩輕萬戶侯無人能說項作客每依  
劉白雪歌難和青瑣志莫酬固應多傲岸稱刺恥  
爭投

薄俗輕名士高才信寡儔憐君貧徹骨愧我雪盈  
頭擁絮休文瘦招魂宋玉愁獨忻饒史筆大白好

同浮

君集中多  
讀史詩

喜晤文靜先生

張晉

愛共虎賁坐典型難遽忘何如親把背直見蔡  
中郎夫子工談藝爲詩陋晚唐歸然負時望畱  
得曾靈光

卷之二十一  
家在林宗里人耕縣上田賦閒稱漫叟高卧卽  
神仙認貌似相識論交非偶然秋風汾水上重  
到是何年

題雋三艷雪堂詩藁

吟苦從嘲太瘦生漫依蓮幕慰飄零一編不愧鄉  
前輩應有高名繼午亭

題荔浦六研堂詩集

騷人從古數多奇壘塊情懷只自知漫道一官吟  
興減千秋爭誦次山詩

歲杪卽事

珠桂難教問米薪幾多歲事且因循漫嗟卅載孤  
裘敝尚有鵝衣百結人

老而頭禿顧影生慚漫賦解嘲效賈浪仙  
體

衰遲嗟髮白詎意竟頭童醜且梁鷺似髣邈老衲  
同不梳慵計月落帽怯當風未得除煩惱惟應號  
禿翁

感懷

更無聊賴更無端且作黃梁未熟看棋局換餘斜  
照迥詩盟散後酒壚寒楊花世界顛狂易白髮情

懷慰藉難莫怪多時忘肉味本來面目是儒酸

乙丑除夕卽事二首仍用前韻

強裁新帖換宜春春到梅花已匝旬

立春已七  
逾旬矣

十二年看又過那堪更作買痴人

屠蘇後引辭殘臘筆研先排試早春畢竟耽吟輸  
此老束書高閣更何人

感事

風裏楊花水上漚貪癡誰肯死前休生公說法原  
多事頑石何曾解點頭

容齋詩集卷二十八

綿上茹綸常文靜

漫叟剩稟

丙寅元旦

七十過三老流年又丙寅庭梅皆索笑巷柳盡含春  
藜杖憐予憊綈袍嘆客貧屠豬難竟醉爆竹任諸隣

輓張宗節觀察二首

風流驚頓盡感舊一欵歔石尚留三品書空富五車  
身閒多事外交契廿年餘薄俗輕衰老憐君獨

起予

天道真難測人生信可悲綢繆居室日

君移居後事務俱未

及畢需次服官時

君以監司製籤名次第四

書付諸孤讀門惟病

婦持

夫人亦新病起

短箋猶在壁忍視寄君詩

余問疾詩猶在壁間

春日偶過鳧山齋中不值

柳絲搖漾杏天斜又擬尋春過別家莫訝空齋延

佇久畱人尚有碧桃花

齋中碧苑一秣盛開

咏史

無限憂勤致亂頻半由天命半由人當時豈是無

豪傑莫怨皆緣誤國臣

耿耿丹心照夜臺身經百戰氣難摧英雄幾輩沙  
場死最惜盧公不世才

不辭洒血向郊原趨戰天教繼柿園未必蟲沙冤  
氣盡年年風雨爲招魂

寧武關前戰血殷將軍拚命嘆時艱迄今父老崇  
私祭詫說墳前湧土山

河道移近墳前一夕風雨大作長一土山障之事見

即報

鼎湖龍去幾攀髯枝卜樞臣總未堪底事當時持  
異議不將太子下江南

玉貌三朝屢誓師休言報國定男兒洗夫人後標



青史誰及秦家女土司

南朝天子本無愁宰相臨戎豈自由不盡孤臣眼中血何嘗天慙限揚州

三朝民困中瑯嶳四鎮兵驕宰相奸若問當年誰養寇負君難恕左崑山

夏日偶作

六月涼生似早秋一樽聊與破閒愁交情盟每寒車笠世事風寧論馬牛公署幾縣徐孺榻龍門誰共李膺舟晚來拋却蒲葵扇貪看離騷卒未收

賦得濁醪有妙理

得醪字并序

此邑中童子試詩題也見獵心喜率賦得十二  
韻第素不工此體更不揣齒衰才盡爲可笑爾  
理欲忝微妙懇誰問濁醪鄉應懽伯重名自酒人  
高且任陳三雅何妨侍二豪暮天時枋翅席地每  
承糟差喜邨沽賤翻嫌社飲囂醉眠喧折齒浮白  
快持螯或未知其趣非緣有托逃車前騶可共河  
朔客須招把背還攢眉莫慮陶杜陵詩思雋  
玉局賦情超元解寧難悟真詮信獨操千愁看易  
散一酌付醅醕

梟獍謠

獸中獍鳥中梟用祭作羹無遁逃林藪每虞熊虎  
豹江湖盡懼鼉鼉蛟其外鵩鵩鬼車暨鴟嚇更有  
雄狐貪狼長蛇封豕同山魃我欲上箋叩真宰毒  
物安用生此曹旁觀乃值支離叟笑我獨見殊賢  
豪天清地濁育萬物元氣鼓蕩陰陽調清氣爲人  
濁爲物直疑造物權難操上智下愚尼山語秉賦  
原自有淳澆試看蠅營狗苟者附羶遽集寧湏招  
噫戲吁君不見周處剽蛟韓驅鱷斬蛇楚之孫叔  
敖又不見礪溪八十爲佐命梁灝七旬科名標丈  
夫倘負屠龍技焉肯小試昆吾刀厠風井蛙何足

齒鵬息終竟凌雲霄自古交友辨損益羣居慎毋  
薰猶滑子於禽獸亦奚擇磊塊自爾胸中消我聞  
此語嗒然若有失歸讀莊生齊物兼逍遙

丙寅初度感賦

老去懸弧百感生悲秋欲賦復誰賡扶衰藥物渾  
無用懷古詞人恰有情

時方輯詩話

陶令籬邊花盡放

時雖九月初三而已逾寒露數日矣

庾公樓上月初明從遊且喜能

相過醇酒何妨一再傾

莫惜衰顏借酒頰眼看景物劇淒涼  
青草間絮絮秋蟲語天外蕭蕭塞雁聲  
藝菊呼兒翻舊譜圍棋與

客對閒枰杜門久已容吾傲薄俗何曾重老成  
齒豁頭童暗自驚雕蟲可悔負平生每憐士類吳  
風剽漫笑民多晉俗儉賢哲幾能逃毀譽聰明詎  
必勝聾盲婆心至竟難灰却饒舌豐干舊有名  
五言詎敢負長城空有虛懷待後生尚論不拘初  
盛晚博叅休廢宋元明千秋史筆推班固一代文  
章屬長卿最是高才與俗學憑誰細覈汝南評  
婚嫁終難畢向平底湏更問五侯鯖秋驚風雨重  
陽近世嘆炎涼萬事更已熟黃梁醒短夢微瑕白  
璧嘗閒情詩成且莫輕相寄多恐常談笑老生

露重霜濃氣候更如雲禾稼喜秋成坐慚酒食先  
生饌行濯滄浪孺子纓挿架只餘書飽蠹到門尚  
有客稱觥王前盧後從題品卅載詩壇憶舊盟

讀史雜感

盾生藉翳桑公亂壁食指千金酬漂母名馬飼壯  
士飲豎洵細事變故有如此吾強路睹父驚長何  
湏埃

伯有夢爲孽彭生豕作祟禍由惡貫盈災或強魄  
致石言固有憑蛇門豈無異左氏之失誣要亦有  
精義

偶檢篋衍得故壽春總鎮郭巨臣手札賦

此追悼

廿年衰草蔓荒墳回憶礪樓慘陣雲  
君領隊搶礪樓中傷幾斃  
不死沙場有天幸招魂誰弔故將軍

約亭招友九日登高有詩錄視老人因亦

賦此寄之且以寓離索之感焉

難共時髦把酒卮從他黃葉滿堦墀  
青燈夜雨書千卷老圃秋風菊一籬  
欲遣壯心方縱奕但酬佳節且吟詩  
不嫌踪跡無人問獨向空齋有所思

張雲川招集同人賞菊索咏約亭有詩奇

予予以前賢名作如林殊難着筆况老  
而才盡又安能別裁新句以步古人之  
後塵哉然見臘心喜遂忘鄙拙率賦遣  
興非欲與時流角低昂也

東籬高格別丰姿晚節平章共素知開怡露零霜  
降日看當風靜雨晴時下簾正喜畱香久投轄何  
嫌送客遲最是主人能好事賞花更索咏花詩  
移從老圃記親栽淺白深黃次第開只覺秋容還  
爛熳漫勞俗客與徘徊高吟懶襲南山句豪飲懽  
傾北海杯爲問清宵泥滑路菊花誰插滿頭回



送張補堂之郟城

沂郟分野紀奎壤海嶽直看汗漫遊茅店鷄聲驚  
旅夢郵亭風色黯征裘鴻才幸與清時際鵬路  
期將壯志酌歲暮縱教鄉思切莫同王粲賦登樓  
題岳武穆傳後

兒皇帝前臣構後傳之史冊洵可醜十二金牌促  
班師遂棄中原如做帶十萬貔貅盡腐心兩河英  
雄皆扼手但殺將軍和議成詔獄直出丞相某丞  
相之威無比倫將軍之獄莫瀕有東窓只知縱虎  
難北狩那顧蒙塵八風波亭下天爲昏不信官家

如木偶長脚夫長舌婦不了事漢有施全彼峻附

者何鷄狗

見晉史

我時怒髮欲衝冠捲卷惟傾酒一

斗嗚呼君不見汴梁西湖岳王祠烏金幾輩人擊  
搯流芳遺臭都不朽

呂橋大令之歿於秦也予以病未及奉輓

茲聞旅櫬將歸賦此寄哀

論詩幾度過柴荆一去秦關隔死生寄語歸魂莫  
濡滯斷腸巫峽有猿聲

遭際如君數最奇文章仕宦巧相違只應一事差

堪慰旅櫬猶能待母歸

時太孺人亦同歸塋蜀中

送蔡魯泉山長扶母柩赴西安同伯兄旅

觀歸蜀二首

纔悲伯氏罷吹壘堂上靈萱更繼淪桐杖君當扶  
柩日麥舟誰是助喪人河聲萬里奔流急嶽色千  
尋入望頻最念歸裝輕似葉淒涼惟有淚痕新

將母空將母觀歸行看兩地撒皇比

君曾爲綿山  
玉峯兩處山

長夢回蜀道三千里腸斷猿聲十二時太憲幸能

敦古誼諸生應悵失經師他年北上停騶處落日

猶疑泣子規

丁卯早春聞心齋入觀將乞假歸里計其

時當暮春也賦此奉懷

八千里路賦長征五馬匆匆向鳳城料得普安賢  
太守定承天語問蒼生  
故園風景幾番新乞假歸來已暮春莫訝眼前蒼  
舊盡二三尚剩白頭人

感懷

米價久翔踴憂生老未經病疑司馬渴愁信屈原  
醒風定花猶落雲沉晝易冥孤懷聊自省倦眼向  
誰青

悼逝二首

并序

長子景文讀書粗通而性多馳騁不能竟學然頗有巧思別解凡鑒方書畫古玉銅篆以及龍尾端溪之硯天黃昌化青田壽山等印章皆能辨識直贗尤好奇花異卉怪石幽禽與夫松竹梅蘭之屬購之贗衣勾貸不少吝余藏書數千卷呼之撿取應手可得以使他人卽不能矣歿於嘉慶十二年丁卯三月初六日年四十有八越數旬始忍慟賦此嗚呼才與不才各言其子西河之戚固所不免然情同紙牘達謝東門能無愧哉爰識數語以寄予悲

獨立猶然憶過庭那堪一霎了浮生交情早覺存  
亡異家運中衰事勢更已料重泉非久別漫憐孤  
冢瘞新坐予卜新阡俟身後葬傷春更抱西河慟  
老眼真教慮失明

簾外愁聞語燕鶯斷腸最是子規聲蒼蒼敢謂天  
難問栩栩終嫌夢易成架上詩書湏自檢堦前花  
木爲誰榮堪悲繞膝兒孫輩頻勸臨風莫淚傾

容川介岩升三將遊綿山口占却寄

介山隨處足名藍暮鼓晨鐘我舊諳說與諸君應  
笑倒老猶欹枕夢烟嵐

寄河東道劉公

曾向郵亭謁鉅公龍門登處仰龍提樓高白雪詩

名重

公山左人起家縣令詩名甚重幾與滄溟相埒

幕號紅蓮地望崇一

片冰心聊自省半生清節許誰同

公廉名甚著

却慚下

里巴人曲也得收存藥籠中

公嘗詢及拙集因上呈求正

哭李曉園別駕二首

胸懷磊落任天真一病如何竟殞身薄宦漫教嗟

往事故鄉應共惜斯人十年以長慚余老卅載相

過感爾頻最是擁書軒在望寢門那禁淚沾巾

楚騷誰與賦招魂拚把交期向九原豈爲早衰無

壯志翻因汎愛有繁言蕭條門剩南邨柳寂寞堂  
空北海樽從此友聲耆舊盡謂友聲詩社也老懷更擬共  
誰論

重九感舊

滿城風雨掩柴門此日何須定酒樽記得南園叢  
菊好年年策蹇過秋邨

武春臺明府九日雨中招飲未赴奉寄二

首

登高時節雨蕭蕭老去心情倍寂寥不有琴堂能  
好事更誰折簡一相招



食無魚更出無車嘉會龍山願已虛底事白衣人  
不見煩君重剪雨中蔬

君復訂期明日

### 古詩二首贈徐瓜村明府

名士多枵鑿貴人鮮謙冲底事仙令尹耽吟與予  
同惠然顧蓬草憐才到衰翁所慚培塿卑安能齊  
華嵩其時屆霜降零雨方濛濛荒堦紛黃葉淒響  
聞寒蛩咳唾傾珠璣笑談凌長虹端氏十餘載乃  
獲遷繁衝通塞互乘除直道寧終窮勉折五斗腰  
且無效陶公

介雕號巖邑四野多哀鴻尚期神明宰鳴琴惟至

公澆俗難卧理詎能圉國空火烈與水懦張弛存  
變通束下視濕薪折獄矜愚憊太邱領陳實中牟  
稱魯恭彼皆古循吏播諸青史中讀書兼讀律君  
其降心從

秋杪感事

飄風黃葉滿堦除聽雨高眠稱索居老病漸增多  
止酒雁鴻頻過少來書竹緣礙路終愁刈蘭以當  
門早慮鋤每嘆危機隨地是漫將閒淚一沾裾

荔浦大令筮仕萊陽有書相寄予以長子  
景文病歿未遑作荅遲至丁卯歲暮始

賦詩三首代簡奉寄以當面晤

經濟文章並擅場美君筮仕宰昌陽只愁萬里天涯路有夢還難到海疆

那得魚書遠寄將暮雲東望海天長嗟予老抱西河慟寂寞懷人向草堂

折腰此日且休論

查初白句

歌嘯何嫌對酒頻寄語齊

東諸父老使君原是舊詞人

久不得傳三消息賦此奉懷兼寄荔浦

自昔曾過我於今尚憶君詩篇驚艷雪

集名三詩身

世感浮雲望遠情難盡懷人酒易醺重煩延大令

消息一相聞

傳三與荔浦至親  
更屬深交

感懷漫賦

潦倒乾坤一腐儒  
耽書日與古爲徒  
九臯漫羨雲間鶴  
三匝誰憐屋上烏  
好夢醒時難再續  
新醅傾處許頻酤  
北山久已移文在  
牛馬何妨任客呼  
敝裘難耐朔風寒  
往事回思更惘然  
坡老詠諧時說鬼  
杞人癡絕每憂天  
遊仙尚和凌雲什  
佞佛還參面壁禪  
最是年光才小雪  
嶺梅已放一枝妍

冬日送升三禮闈北上

底須携酒對西山  
閉戶真看旅思閒  
溫卷知君應

不屑瓊花好向上林攀

張階山世講以佳菓相餉羅致几案間堪

供幽賞因各賦一詩寄之

垂簾香細愛霜柑磊落瑤盤對鏡奩莫笑老人風

趣臧擘來纖手幾曾嫌

黃柑

閒窻方咏木瓜詩

前約亭以木瓜相餉

多子枸櫞又我貽豈

是畏寒偏墮戶窗香要伴讀書帷

枸櫞

約亭以木瓜相餉賦此謝之

知從洛中來還作宣城看木瓜咏風詩清芬比幽

蘭置之烏皮几貯之定窻盤對酒消永夜擁鑪禦

園下世  
已久

秋日有感

夜聽千家砧杵忙曉寒簾捲怯商飈  
愁懣欲語將歸燕莫待前林有早霜

荔浦明府命令嗣相過存問惠詩箋海錯

兼示雋三近况賦此奉謝

貽我魚箋命鳳雛更分海錯到蒿廬却欣貪讀新  
詩句不用衰翁自治厨此日山翁自治厨陸放翁句也

見說疎狂似昔時張君消息慰相思如何遠道傳  
書至獨有萊陽大令詩

法梧門學士並漫叟先生相繼書來問雋

三近日蹤跡作此寄答

延壽

近得簡問訊詞又來漫叟寄懷詩張山人在萊陽住詩酒清狂似往時

題曝書亭集

吾愛小長蘆詩文詞三絕百家精義該六經奧旨  
晰名家與大家掉頭每不屑

詩詞不入名家文不入大家見公與人書

中

江湖載酒遊萬彙憑採擷締交遍賢豪縉紳陋

橋札北王與南朱海內並心折縱令布衣終亦入  
逸民列一官偶然耳史館屏異說既而脩顧問

聖恩非忝竊豈惟留時流直可適徃哲胡爲挂  
彈章母乃近微許歸田理舊業老尤勤著述談藝  
披後進虛懷坦若揭翻笑子雲亭問奇者孤子竹  
垞竹萬竿於焉想清節他年儒林傳定有南董筆  
已巳早春卽事

立春已十日迎春尚未開荒齋人小病那問隴頭  
梅

杏萼榆錢柳絮桐陰竹色松聲底事泥中小草也  
侵苔徑叢生

年幾八十未忘結習人笑詩癡過門不入



補遺

寄李牧坪孝廉

幾人作鏡擬持荷烟月文章詎足多若準論書須  
瘦硬臨池先黜趙鷗波

儒雅風流是所師嘔吟扣字漫相嗤北人不食江  
西唾猶記遺山舊日詩

休把中州集例看抱殘底用向空山右文恰值  
昇平世風雅還期手自刪

寄補堂

到日憑誰共往還好傾臘釀醉開顏滑稽客儘誇

齊贅獵較君終厭市闌

容川介岩升三將遊縣山率此奉寄

卅里雲峰入望間不勞樽酒餞遊山好教勝境留  
題徧領取烟霞莫遽還

清明即事

穠華桃李各爭妍瞥眼春光劇可憐漫說清明方  
禁火滿城久已少炊烟

牆外猶聞蹋蹴聲輕烟疎雨又清明不知村落閒  
街市可有兒童喚賣飴

久旱忽雨北風甚厲恐其阻雨悵然有作

時偶閱梅溪詩即次其韻

濛濛曉雨無人過老夫意欣拚高卧諺云春雨貴  
如珠朔風何事爲先驅墊巾莫慮看花客此後陰  
晴誰知得但教日日飲無何且把書卷閒吟哦

賦得新荷出水

新荷敷早夏出水正輕盈乍看凌波影微聞受雨  
聲碧甯杯未試仙露掌初擎每誦蓮溪說時過澤  
畔行

鳬山失解口占戲寄聊當嚙語以博一笑  
錫璫新傳下第名緇衣猶帶軟紅塵笑君垂橐原

非計休把冬烘錯怨人

輓宗節

倏爾聞哀耗那禁淚暗揮琴聲久寂若棋響尚依稀  
君久不撫琴而嗜奕不衰白日嗟何速青雲願已違千年更  
誰在漫化鶴來歸

戲寄荔浦

又附新燕一首

二妙高才擅一時每將冰雪鬥新詩述君戲語還  
相問獨秀江東合是誰  
江東無我卿當獨秀君嘗以戲雋三

打頭屋與及肩牆漫嘆繁華不久長寄語新來雙  
燕子覓巢休向舊雕梁

咏史

劉念臺同黃石齋一生清節誰能儕如何丹陛抗  
疏日英主庸臣互忌排

憂旱

夏淺春深氣候更野田先恐疾

師曠曰歲欲旱旱草先生

謂疾也紙鳶欲墜風偏劇石燕將翔雨又晴花爲狂  
塵多悴色人緣儉歲少懽情老夫空有雲霓望愁  
聽催耕布穀鳴

喜雨仍次前韻

想見郊原氣色更墻東更愛綠苔生麥秋寒覺連

宵迥梅雨陰剛兩日晴

時穡種已逼倘久雨則又妨農矣

天上風

雲隨變幻人間憂喜別心情來朝定少衝泥客一  
任幽禽自在鳴

張樹堂農部將由蘓杭赴都遂歿於旅寓

賦此奉輓

山水遊踪壯風塵旅觀哀武林空勝賞粉署失清  
才蟻夢醒何速鵬程願詎灰招魂更誰是化鶴好  
歸來

夏日即事

老病真看日漸增漫勞觸暑過良朋

謂曉園

人生

修短尋常事莫把高年作瑞徵

除夕寄宗節

商陸初燒歲又新香能損肺莫多熏  
論年我似龐公老問疾何嫌及細君

時夫人病尚未痊

悼張墅堂司馬

五馬頻驅未即真雙魚寄我只兼旬  
最憐喪旆經過日不得憑棺哭故人

旅櫬過介時竟未稍停